

ANIJ EAR LOMŌŌREN ISRAEL ILO LOMAŁO E BŪRŌRŌ

Köttōpar ko an katak in:

- Kwałok bwe Anij ej Irooj ioon men otemjej.
- Kwałok bwe armej re jab maroñ lomŏŏren e make.
- Kwałok bwe ewor lomŏŏr ekkar ñan wāween an Anij ba im men in wōt.
- Kwałok bwe Anij e jouj, im Ej oŋake aikuj ko an armej meñe rej patkake.

Melele ko relap ilo katak in:

- Jen lo bwe Anij ej yokwe armej.
- Jen lo bwe Anij ej dike jerŏwiwi, im Ej kajeik ro rej abwin köttāik er ñan E.
- Jen lo bwe je maroñ lōke Anij.
- Jen lo bwe ejjełok an armej maroñ ñan lomŏŏren er make.

Jen jab mełokłok bwe aolep bwebwenato ko ilo Kallimur Mokta rej katakin kōj kōn ruo men: Kwōjarjar an Anij im nana an armej. Ak ilo bar juon wāween ba: Maroñ eo an Anij im ban an armej. Etke Anij e kōñaan katakin kōj kōn men kein? Kōnke melele eo elap ilo Baibōl ej karōk eo an Anij ñan lomŏŏren kōj. Anij e kōñaan lomŏŏren kōj. Joñan ad nana jej aikuje juon ri Lomŏŏr. Kwōj jełā ta? Ñe e bōd ad melele kōn kadkadin Anij im kadkadin armej, enaaj bōd ad melele kōn wāween bōk lomŏŏr.

1. Anij ear tōl ri Ju ro kōn juon kōdō.

* **Anij e tiljek, im E jab oktak.**

Anij ear lomŏŏren ro ri Israel jān mour in kamakoko ilo Ijipt. Innām Ear jino in tōl er bwe ren etal ñan āne eo me Ear kallimūr in lełok ñan jimmaer, Ebream.



Exodus 13:17,18 Im ke Pero ear kōtłok armej ro, Anij ear jab tōl er ilo iał eo iturin āne an ro ri Pilistia, meñe e kadu, bwe Anij ear ba, “Ñe ab rej ukōt aer lōmñak, ñe rej lo tariñae, im rej jeplaał ñan Ijipt.” A Anij ear tōl armej ro ilo iał e aetok, i āne jemaden iturin Lomało E Būrōrō; im ewor kein tariñae ippān ro nejin Israel ke raar wanlōñłok jān āneen Ijipt.

Anij ear jełā ke iał eo ñan āne in Kenan? Aet. E jełā men otemjej. Ear jełā men eo Israel enaaj kar lōmñak elañne raar etal iturin āne an ro ri Pilistia!

Ke Israel raar etal ñan Ijipt, e kar wor 70 iaer. Kiiō, ālikin 430 iiō, ear wor 2 million jima!



Exodus 13:21 Im Jeova ear ilok iŋaerłok ilo raan ilo juon jurōn kōdō, bwe En tōłłok er ilo iał, im ilo boñ ilo juon jurōn kijeek, bwe en kameramłok er, bwe ren maroñ etal ilo raan, kab ilo boñ.

Anij e tiljek! E jāmin oktak. Ñe Ej ba juon men innām Enaaj kōmmane. Ej barāinwōt tūriamo im jouj. Ke Anij ear lomŏŏren ri Ju ro jān Ijipt, Ear jab kōtłok er bwe ren make kapukot aer iał. Ear jab likūt er.

Ear tōl er. Ear añin ļok er kōn juon kōdō ilo raan im juon kijeek ilo boñ. Anij ear yokwe er im kōjparok er.

Eļañne Anij ear jab tōl er innām renaaj kar jebwābwe im jako. Jej aikuje Anij ñan aolep men. Jej aikuļ bwe Anij en tōl kōj. Anij ej letok Naan ko An im Jetōb eo An bwe En tōl kōj ilo raan kein. Je jab kapukot Anij, ak Ej kapukot kōj bwe En ļomōoren kōj.

2. Pero ear ilen bar jibwe ri Ju ro.



Exodus 14:5-7 Im raar kōnnaanōk kiiñ in Ijipt kōn an armeļ ro ko, innām būruon Pero im būruon ro ri karijeran rej āinjuon ñan armeļ ro, im raar ba, “Ta men in jaar kōmmane, bwe jen kōtļok Israel jān aer jerbal ñan kōj?” Im ear kapojak jariot eo an, im tōl armeļ ro doon ippān. Im ear bōk jiljino bukwi jariot emōj kālōt er, im jariot otemjej an Ijipt, im aolep captain ro aer.

Etke Anij e aikuļ in tōl kōj?

Kein ka juon, ej kōnke Jetan ej āinwōt juon laion ej pukot bwe en kōkkure kōj. E kajoor jān kōj. Anij ear jab kōtļok ri Ju ro jān Ijipt wōt im mōj. Ear pād wōt ippāer im kōjparok er. Meñe ri Ju ro raar anemkwōj jān Ijipt, raar aikuļ in eddāp wōt ñan E im lōke E kōn aolep men. Āne jemaden ear kajoor jān ri Ju ro. Pero ear kajoor jān ri Ju ro. Bōtab Jeova Anij e kajoor jān aolep men. Eñin un eo bwe jej aikuļ in lōke E.

Kein karuo, ej kōnke jej ri nana. Aiseia 53:6 ...*kōj otemjej āinwōt sheep ko jar jebwābwe.* Joñan ad nana, eļañne Anij ear jab kakajoor kōj innām jenaaj kar mour wōt ilo jerōwiwi.

Bwebwenato in ej kwaļok ruo waan joñak kōn joñan ad nana. Juon ej Pero. Anij ear kwaļok ñan Pero roñoul katin bwe ewor An maroñ ioon aolep men. Ear bōktok joñoul kaje, im ke Pero ear oktak, Anij ear bōkļok kajjojo iaer. Meñe emōj an Anij kwaļok ñan kōj elōñ waan joñak kōn An kajeik jerōwiwi (Ibwijleplep eo, Sodom im Gomora, Jonah im Ninevah, im er ļok wōt), jej peran wōt ilo jerōwiwi. Men in ej kwaļok joñan ad nana. Ak ewor bar juon men ilo bwebwenato in me ej kwaļok joñan ad nana.

3. Ri Ju ro raar ña ruōn Moses.



Exodus 14:10,11 Im ke Pero ear kepaakļok er, ro nejin Israel raar reiļok, im lo, ro ri Ijipt raar ļoor er, im raar kanooj lōļņoñ, im ro nejin Israel raar kūr ñan Jeova. Im raar ba ñan Moses, “Ta, kwaar āñintok kōm bwe kōmin mej ilo āne jemaden kōnke ejjelok lōb ilo Ijipt ke? Etke kwaar kōmman men in ñan kōm, im kadiwōjļok kōm jān Ijipt?”

Meñe raar lo aeolep men ko reļap Anij ear kōmmane ilo Ijipt, ro ri Israel raar jab tōmak E. Ta Anij ear jab uwaak jar eo aer ke? Ear jab kwaļok joñoul kaje ñae Ijipt ke? Ear jab man maanje ro nejin ro ri Ijipt im ļomōoren ri Ju ro kōn bōtōktōk ke? E lukkuun mōkaj an ro nejin Israel meļokļok jouj im kajoor an Anij.

*** Armej rej aikuļ tōmak bwe ren kabuñbūruon Anij im bōk ļomōor.**

Anij ear kwaļok An kajoor eļap ñae Pero, ijoke ear jab oktak. Anij ear kwaļok An jouj eļap ñan Is-

rael, bōtab raar jab lōke wōt E. Jej aikuje juon ri lōmoṛ. Kōj ri ban. Kōj ri ban ilo lōmṇak im ilo kōmṇan!

4. Anij wōt e maroñ lōmoṛen kōj.



Exodus 14:14-16 “Jeova enaaj ire ñan koṇ, im koṇeo koṇnaaj ikōñ.” Im Jeova ear ba ñan Moses, “Etke kwōj kūr ñan Eō? Kwōn ba ñan ro nejin Israel bwe ren wanṇaanlōk. Im kweo kwōn kotake jokoṇōṃ, im erlōke peōṃ ilōñin loṃaḷo eo, im kōjepele, im ro nejin Israel renaaj ilōk ilujen loṃaḷo eo ioon āne e mōrā.”

Meñe ro ri Israel raar jerōwiwi, im raar jab lōke Irooj, Ear pepe in lōmoṛen er. Eḷap An jouj.

Ta eo im ri Ju ro raar ṇa ruōn Moses kake? Ke raar reiṃaanlōk raar lo Loṃaḷo e Būrōrō. Ke raar reiliklōk innām raar lo Pero im jar in tariṇae eo. Raar ṇa ruōn Moses kōnke raar lōmṇak bwe ear āñin lōk er ñan āne jemaden bwe ren mej.

Ak juon kajjitōk - wōn ear āñin lōk ri Ju ro ñan itūrin loṃaḷo eo? Jeova Anij. Im Jeova Anij e jeḷā ke kōmṇan bōd? E ñak! Aolep pepe ko An re jejjet im jimwe! Eḷaññe Anij e jaje kōmṇan bōd, innām etke Ear āñin lōk er ñan jikin eo me ejjelōk iaḷ in ko ie? Etke ear tōl lōk er ilo juon iaḷ e penjak? Anij ear kōṇaan katakin er bwe E wōt e maroñ lōmoṛ.

Jeova ear jab ba, “Jermal im kate wōt.” Ear jab ba, “Koṃwin tiljek wōt.” Innām ear ba ta? *Koṃwin tōt wōt, im lo lōmoṛ an Jeova.* Exodus 14:13. Anij wōt e maroñ lōmoṛen kōj. Kōj ri ban. Ad tiljek, ad niknik, im ad kate kōj jermal ñan Anij re ban jipañ kōj ñan jidik. Anij wōt ej lōmoṛen im kawānōk kōj.


- Ke Adam im Iv raar ilōk jān Iden, ear wor aer maroñ in bar deḷōñ ke? Jaab. Ear wor ke aer maroñ in kōllaajrak er ippān Anij? Jaab.
- Wōn ear kōmṇan juon wāween bwe Kein im Ebel ren kepaak Anij? Anij wōt.
- Wōn ear kwaḷōk ñan Noa bwe enaaj wor ibwijleplep im kōmmeleleik e kōn kōmṇan juon wa? Anij. Eḷaññe Anij ear jab kōmmeleleik Noa, enaaj kar jeḷā kōn iaḷ in lōmoṛ ke? Jaab.
- Ear wor ke maroñ an ro ri Israel bwe ren make kōtlōk er jān Ijpt? Jaab.

* **Armej rej ri jerōwiwi. Ej aikuje Anij bwe e jab maroñ make lōmoṛen e.**

5. Jeova Anij ear kōjepele Loṃaḷo e Būrōrō.



Exodus 14:15,16 Im Jeova ear ba ñan Moses, “Etke kwōj kūr ñan Eō? Kwōn ba ñan ro nejin Israel bwe ren wanṇaanlōk. Im kweo kwōn kotake jokoṇōṃ, im erlōke peōṃ ilōñin loṃaḷo eo, im kōjepele, im ro nejin Israel renaaj ilōk ilujen loṃaḷo eo ioon āne e mōrā.”



Anij ear kōmṇan loṃaḷo eo, im ewor An maroñ ioon loṃaḷo eo. E jab pen ñan E ñan kōmṇan juon iaḷ e mōrā

ilo loṃaḷo eo. Ejjelōk men e pen ñan Anij.



Exodus 14:19-22 Im enjel an Anij, eo ear ilōk iṃaan jar an ro ri Israel, ear jepḷaak im ilōk ālikeir, im jurōn kōdō ear eṃṃakūt jān iṃaer im jutak ālikier. Im ear ilōk ikōtan jar in Israel im jar in Ijīpt, im ijo kōdō im marok, mekarta, ear romak ilo boñ. Im juon iaer eo ear jab kepaaklōk eo juon iuṃwin aolepen boñ eo. Im Moses ear erlōke pein ilōñin loṃaḷo eo, im Jeova ear kōṃṃan bwe loṃaḷo en ilōk kōn juon kōto jān reear aolepen boñ, im Ear kōṃṃan loṃaḷo āne e ṃōrā, im e jepel dān ko. Im ro nejin Israel raar ilōk ilujen loṃaḷo eo ioon āne e ṃōrā, im dān ko raar worwore er, i anmoonier im i anmiiñir.

Anij ear kallimur in tōl armej ro jān Ijīpt ñan āne in kallimur eo. Anij ear tōl ro ri Israel ilo iaḷ eo me Ear kōṃṃane ilo loṃaḷo eo. Ear kaṃakūt kōdō eo jān iṃaan Israel ñan ilikin Israel bwe en ikōtan ro ri Israel im jar in tariṃae an Ijīpt. Ear lelōk meram ñan Israel, ak ear marok ñan ro ri Ijīpt. Bōtab, ro ri Ijīpt raar kōpel Israel wōt kōnke Anij ear pepe in ṃan er.

Men eo im armej re bane, Anij e maroñe. Ejjelōk armej ear maroñ in loṃoṃoren ri Ju ro jān Pero. Ejjelōk armej ear maroñ in kōjepel loṃaḷo eo. Anij wōt E maroñ loṃoṃoren armej.

6. Jeova ear ṃan jar in tariṃae an Ijīpt ilo Loṃaḷo e Būrōrō.



Exodus 14:13-28 Im ro ri Ijīpt raar lukwarkwar er, im ilōk ilōkaer ilujen loṃaḷo eo, kidia ko otemjej an Pero, jariat ko an, im ro rej uwe ioon kidia ko. [24] Im ilo emmej eo ke e jibboñ, Jeova ear reilōk ñan jar an ro ri Ijīpt ilujen jurōn kōdō im kijeek eo, im Ear kalōlñōñ jar an ro ri Ijīpt. [25] Im Ear joḷok wil jān jariat ko aer, im e nañin pen aer kowanṃaanlōk er. Āindein ro ri Ijīpt raar ba, “Jen ko jān mejān Israel, bwe Jeova ej ire ñan er ñae ro ri Ijīpt.” [26] Im Jeova ear ba ñan Moses, “Kwōn erlōke peōṃ ilōñin loṃaḷo ñe, bwe dān ko ren jepḷaaktok ioon ri Ijīpt, ioon jariat ko aer, im ioon ro ri uwe ioon kidia ko aer.” [27] Im Moses ear erlōke pein ilōñin loṃaḷo eo, im loṃaḷo ear jepḷaaktok ñan kajoor eo an ke e jibboñ, im ro ri Ijīpt raar ko jān e, im Jeova ear jolaḷlōk ro ri Ijīpt ña ilujen loṃaḷo eo. [28] Im dān ko raar jepḷaaktok, im kalibubu jariat ko, im ro ri uwe ioon kidia, aet, aolepen jar in tariṃae an Pero, ro raar deḷoñlōk ālikeir ilowaan loṃaḷo; ejjelōk juon iaer ear pād wōt.

*** Anij e kwōjarjar im wānōk. Ej ba bwe ro rej jerōwiwi rej aikuḷ in mej.**

Ri Ijīpt ro raar lo kaeñtaan ko joñoul me Anij ear kawōtlōk ṃa ioe. Raar lo juur in kijeek eo me ear dāpij er jān aer jibwe ri Ju ro. Raar lo an Anij kōjepel Loṃaḷo e Būrōrō. Meñe raar lo aolepen men kein, raar jab kōttāik er ñan Anij im lōke E. Kōn men in, Anij ear ṃan er.

Anij ear loṃoṃoren ro ri Israel. Ejjelōk juon iaer ear jako. Anij ear loṃoṃoren er kōnke Ear yokwe er, im Ear kallimur bwe Enaaj loṃoṃoren er.

Ejjelōk e maroñ ko jān illu eo an Anij. Bwebwenato in ej katakin kōj ruo men: joñan ad nana je bane wānōk, im ruo, Anij wōt e maroñ loṃoṃoren kōj. Jej lo nana an armej ilo mour an Pero im ilo mour an ri Ju ro. Meñe Anij ear kalōlñōñ Pero elōñ katen, ear jumae wōt E. Meñe Anij ear kwalōk An jouj eḷap ñan er, raar jumae e. Meñe Anij ear kwalōk An jouj im kajoor eḷap ñan ri Ju ro, raar lōlñōñ wōt. Kōj ri ban. Jej aikuje juon Ri Loṃoṃor.

Kajjitōk ko:

1. Erri ruo men im eļap an Kallimur Mokta kōnono kaki?
2. Etke Anij ekōņaan katakin kōj kōn ad nana?
3. Etke Anij ekōņaan katakin kōj bwe E ekwōjarjar?
4. Ke Anij ear lōmooren ri Ju ro jān Ijipt, Ear kōtļok er bwe ren make pukot aer iaļ ļok ņan āne in kallimur eo ke?
5. Etke Anij ear tōl wōt ri Ju ro?
6. Ewi wāween bwe Pero en juon waan joņak kōn joņan ad nana?
7. Ri Ju ro raar meļokļok ta ke rej ņa ruōn Moses im ļotaan?
8. Ewi wāween bwe ri Ju ro ren juon waan joņak kōn joņan ad nana?
9. Elōņ maroņ an ri Ju ro bwe ren kōjepel Lomaļo e Būrōrō im ko jān ro ri Ijipt?
10. Elōņ ke an Anij maroņ ņan kōjepel Lomaļo e Būrōrō?
11. Men in ej katakin kōj ta kōn lōmoor?